

處

實

堂

集

處實堂集卷之二

長洲張鳳翼伯起撰

五言律詩

登堯峯絕頂望太湖落日

落日堯峯望長空
禹澤連羣山分紫翠
萬頃合風烟
身世溟濛上人天
浩蕩邊杖頭
龍欲化應見火珠懸

春日城南看花晚步滄浪池

桃葉家家渡桃花處處津
偶尋堪賞地別是
可憐春泮水晴光動
琳宮淑景新
赤城霞不遠
還照濯纓人

白鴈

房山先生集 卷之二
俱是衡陽侶，偏宜玉樹飛。
賓秋應共素，候月更同輝。
洲渚花迷影，關山雪滿衣。
漢臣頭欲白，何日上林歸。

寄仲氏於揚州

聞說上揚州，西風一鴈秋。
江干騎鶴去，觀裡看花遊。
結客應談劍，開尊欲典裘。
寒暄驚物候，何以慰離憂。

贈皇甫提刑

玄晏耽高臥，青山畫掩扉。
賣瓜營故業，種豆遂初衣。
軒冕成蟬蛻，翱翔覽鳳輝。
新詩仍寡和，應與世情違。

題珠林草堂

自選珠林勝，應知玉樹宜。
潭香侵下榻，山影照寒帷。
竹密

還通徑花深自作籬草堂玄晤處惟與白雲期

孫山人移居就稽文學

選勝隨緣得移家與俗踈舊同梅福隱新卜葛洪居題字
門留鳳垂綸食有魚尋君遂初賦安事絕交書

同王元美敬美夜泊赤城餞李觀察于鱗

御李叨新賞同王洽故歡醉應憐把袂喜不為彈冠雲白
離亭暮霜清江月寒回飛慚鴈序獨伴赤城鸞

龍潭道中

策蹇下長阪恍然入世違江連海門濶雲吐夕陽微極浦
花深寺空村犬護扉勞勞事行役欲此息塵機

病中灌園

爲有灌園癖，閑尋種樹書。寡交非叔夜，多病類相如。傍水
教花密，循墻放柳疎。待將清蔭合，不遣綠尊虛。

贈張山人仲實

羊城千里客，鴈候一行回。問主林投竹，懷鄉夢是梅。江山
供染翰，歲月老行杯。又欲乘槎去，應知逸興催。

期餞詹侍御汝欽不值

客路憐知己，清朝作逐臣。馬鳴辭立仗，鴈候感同賓。爲氣
風前合，論交跡外親。翻嫌尊有酒，不醉獨醒人。

除夕泊宿遷與叔貽舟相失并懷幼子

落日鵠原望寒雲鴈影疑
長途況今夕鄉夢到何時
拜舞虛萊綵悲歌憶仲篋
獨斟殘夜酒無計慰遙思

對月枯坐慨然興懷

歲晚忽惆悵行藏悲故林
虛憲一片月客子十年心
戍漏催更早江梅引夢深
無緣瞻北闕咄咄愧南金

黎職方惟敬過文起堂留宿有作次韻答之

彩鷁向維揚趨朝驛路長
停橈綠舊雨把酒遲新涼
山水淹心賞風雲指帝鄉
夜光吟處發應不謝琳琅

客自江右相尋為我鼓琴

故人千里月濁酒百年心
從我張銀燭勞君鳴綠琴
風塵

房山先生集 卷之二
俱落魄山水獨知音末路傷疇昔寒霜入鬢深

重陽無菊答胡懋信

再返蓬蒿徑應無松菊存重陽空令節風雨自黃昏獨坐
難忘酒相思惟掩門花開還有待遲暮不須論

送蘇給事左遷量轉

夕郎淹左尉量轉綬仍黃候馬新符竹驚鳥舊簡霜征帆
向江邑輿論在胡陽定見飛鳧去還歸鵝鷺行

懷王元美臥病

動爲經月別臥病近何如問訊文園客知翻鄴架書涼颺
催一葉新漲度雙魚此夜成遙憶空堂歎索居

題石湖翠微精舍

草堂當絕巘曲徑隱幽扉石磴開蒼蘚精廬結翠微
窻中得竒觀靜裡息塵機十載翱翔意臨風還振衣

閉關二首

林臥已成癖閉門疑息交魚來知罷釣鳥狎許探巢
然諾金何有迂跡恐漫膠閑心捐毀譽不解任人嘲

吳市藏名久文園寄賞新門留題鳳字客謝好龍人
漸覺烟霞近應教魚鳥親和光知不易吾自任吾真

訪徐處士

涼風恣幽討斜日訊玄關舟到一溪盡門開數樹間
清言

消永夜濁酒破愁顏明發湖頭去青天隔暮山

春仲同彭孔加看竹堂殘梅和杜子庸韻

古寺足烟霞空堂春日斜林間花不盡物外興偏賒墜粉
雲容亂飄香酒氣加東風應有意留以鬪瑤華

園居

已入雲林調知無軒冕綠棲枝同息鷄抱葉類鳴蟬永日
壺尊盡涼風枕簟偏石闌閑種藥不是慕長年

歲月忽已晚

歲月忽已晚行藏尚倚樓風烟餘舊夢霜月喚新愁鵬路
知修阻鳩巢就拙謀祗應蘿薜徑寂寂老吳鉤

贈汪山人

失路嗟遊子浮踪似野僧
世人多白眼吾自察青蠅
西去誰為主東來喜得朋
平生慕長嘯對爾學孫登

石湖治平寺餞周給事與言

野寺宜秋賞邀歡祖夕郎
瑣青山借黛簡白樹疑霜
遠興羣麋鹿清聲出鳳皇
趨朝應計日取醉惜流光

承訓書院爲中立宗侯賦

帝胄蜚聲久名藩獲寵新
一經傳父子千載際君臣
玉葉輝橋梓璇題美奐輪
如陳爲善樂猶可作王賓

贈阮將軍

學劍豈不早著書猶苦工自能持片氣獨未建奇功樂志
五經竒端居一畝宮步兵本放達無事哭途窮

送顧懋中補試揚州

送君騎鶴去定見奪標回自信應居上何嫌獨後來感時
頻擊楫覽古一登臺籬菊能相待須令落晚開

送人戍南詔和袁魚叔韻

送子意何如江梅報柳初人同天外鴈淚盡獄中書慷慨
彈長鈇飄零歎謫居滇南淑氣早春信佇雙魚

送客歸庾嶺

青門一尊盡庾嶺萬山低雖不舊相識亦憐生別離歸時

卿月冷到處客星移倘見梅花發無忘遺所思

賦得草窻小隱

窻戶朝來賞池塘夢裡春烟霞元白蕢蓬藿託清塵繞砌
縈書帶窺簾思美人懸知掃除意高軌未殊陳

病中答朱道光

柳色三春病梨花一鏡愁相思頻入夢獨立自凝眸雲外
下青鳥風前停紫駟孤懷牽合浦何日弄珠遊

雨過答汪子建

水長鯨魚樂雨餘藂薄鮮閉門全傲癖禮佛結閑緣青白
眼中盡驪黃象外傳一丘消萬劫吾自得真詮

賦得文姬望月爲袁振伯題盡

寒影千山外清光兩地同
圓時思漢鏡缺處歎胡弓
白草嘶征馬黃沙落斷鴻
悲笳應寄恨聊復托長風

盆池藻生魚躍聊述答師子喬

已得盆池樂還宜碧藻生
江湖俱汗漫出沒寄澄清
賜紫人間事焚銀物外名
知魚吾自適非有羨魚情

芙蓉

穠葉披深碧嬌花露淺紅
新粧迎鴈候倒影瀉鮫宮
臉際琴心動城隅客夢通
空江自搖落不敢怨春風

夜合

暮暮能含態朝朝解吐妍
斂妝麤蘊紫傅粉萼呈鮮
接
分莖滿穠香入枕
備嘉名標夜合贏得美人憐

送龍巖陳明府

見說龍巖勝孤城
漳海西山青紋在壁香暖藿名溪古蹟
從人訪新花與縣迷
明時重鸞鳳不久棘中棲

送湯明府應之赴任進賢

釋褐試爲宰分符得進賢
官從銓簿後名在士流先
日月閒湖地風雲際
泰年雙鳧應向闕暫理交侯絃

和答幼于湖上懷予二首

灌園如仲子齊物學蒙莊
却憶連枝會翻憐一水長
踈鍾

續斷漏清梵繞迴塘我亦山中客慚虛舊草堂
新詩凌小謝隨夢入西塘自我欣三復知君下五行
燧燈
供夜讀蓮字借寒牀想得扶搖氣臨風時發狂

園居大雪

池館崇朝雪庭臺三尺深憐予尚僵臥那得訪山陰
踈竹
搖殘粉寒梅勒故林由來和彌寡郢曲罷彈琴

雪中有懷顧懋中應貢江上

與子江干別寒風驚我心黃雲雙眼盡青鬢二毛侵
授簡
誰同賦乘舟何處陰無嗟衝雨雪知欲貢球琳

感昨和沈道禎二首

故賞赤城標依稀訪石橋興隨花共發人與月同邀會冷
年年夕愁添夜夜潮驚心物華歇寒雨滴殘蕉
回首綺羅筵追歡改故年綵雲隨客散明月使人憐舞罷
霓裳地歌殘玉樹天揚州一夢斷吾意欲逃禪

七夕

踈雨過池亭輕風落葉青人間空七夕天上自雙星碧漢
橋成鵲蒼苔火度螢虛傳降王母何日賦湘靈

七月九日對月

素月千門靜良宵七夕過玉寒天外殿銀隔渡邊河迢遞
仙郎渚遲迴織女梭客心驚一葉獨立奈愁何

南園雨後對月有懷仲氏應試白下

片雨過林丘芸堂大火流風生池上夜聲徹樹間秋舒嘯
頻呼酒長懷更倚樓仲筮應獨奏邀月亦同遊

懷徐賓王

舊雨君曾至清風我獨憐故人一水隔暝色半江烟去住
投珠日行藏獻璧年有秋應在望不爲洛陽田

秋夜

秋思絕囂塵秋光隔四鄰荷風香過水桐月影宜人寄傲
林間癖忘形物外身臨池寧有羨却笑尚垂綸

振衣岡獨步

偶有出塵想寧知絕俗非獨宜竹樹抄一振薜蘿衣鳥下
應求友雲來可鏡機青山常在望聊以慰忘歸

泊甲馬營大風

黑雲忽遍地白浪欲連空作勢蛟龍舞揚塵朔漠同一川
遠利涉萬里負乘風不辨乾坤意安知舟楫功

新河風雨夜泊

風伯爾何苦雨師寧復情迷津成旅宿失路歎浮名彈缺
添歸思停橈滯客程蹉跎自吾分咄咄氣難平

送陳太學謁選

銓部有山濤君行勿憚勞試看膺一割須見解操刀吳苑

愁邊別燕臺望裡高空憐歌伐木推轂在時髦

送姜少府擢南京禮部郎中

海縣分符後江城佐郡餘先聲傳製錦新政重題輿夏雨
頻敷澤春司一曳裾清時方尚少還擬佩銀魚

送蔣子徵秋官赴任留都

惆悵池頭餞升沉路已分尊前憐舊雨別後感停雲署挹
青山色湖開白練紋平堤多勝賞應屬鳳皇羣

徐內翰公望見過園廬

忽漫京華別重憐曲徑尋風塵和氏足勞苦泄公心前席
虛應久金門隱欲深十年流水調嗚咽愧知音

七夕送劉明府擢貳池州

佐郡向池陽秋風別思長
官亭鳧化鳥極浦鵲爲梁
政績成三善聲華燦七襄
知君試畿輔計日拜臺郎

贈安文學

岐路歎投珠清時獨向隅
人徒笑搥鼓世自好吹竽
懷璧元非罪微瑕不掩瑜
祇應芳草際愁絕片雲孤

賦得行路難

世路渺難量行行阻且長
尊前猶虎尾門外即羊腸
欵曲欺雲棧盤桓失太行
惟須面壁坐絕跡少年場

吳山人携具南星館邀飲病不得赴諸君有作分得

花字

伏枕違新賞臨池感物華身同西市隱招負小山花雉堞
危檣過巖巒爽氣加登樓媿仙客悵望赤城霞

訪張欽伯養痾承天寺分得園字

乘秋覓幽賞習靜得祇園病擬維摩問書同貝葉翻新涼
祛大火舊雨愜清言對此真成適寧辭倒綠尊

中秋日諸君集陽春堂分得搖字

玄賞賓咸集青天月共邀舞時廻楚袖歌處學秦箏露瓦
清輝徹風簾素影搖無勞問何夕知不負良宵

宴集分得懸字送徐山人還山

誰謂娛賓日翻成祖客筵人謹張樂地吾惜醉花天友道
悲鳴烏鄉心托杜鵑不愁尊欲盡祇恐榻重懸

送溫衛經服闋入京

詎謂郎官後猶存國士風一行辭隴樹千里逐征鴻勞動
浮名下謀猷出幕中從君拂衣去不與絕裾同

徐太素再遊白下戲有此贈

桃葉渡頭秋潮平纜客舟輕寒歛翠袖薄暮倚紅樓一別
銀筭換重來綺席留應憐授衣者愁寄鵲鴛裘

懷仲氏客金陵

積雨憐分袂秋期已授衣青天看鴈字白日坐漁磯勝賞

成遙憶空林暫息機
自來車轍少不礙掩荆扉

病後仲氏金陵書回

病後消羣妄花前作隱居
天寒賓一鴈水落報雙魚
問訊知無恙逢迎定不虛
池塘姜被暖鄉夢莫教踈

送馮海陽赴任二首

祖席別交知天長去馬遲
度關深雪霽踰嶺片雲隨
驛路八千里灘聲十二時
政成應化鳥計日拜彤墀

羣慮息空林因君悵別深
一經窮絕筆百里試鳴琴
海近雲霞合潮來天地陰
如過祭鱷處應起釣鰲心

懷徐山人璘

海內論知已，憐君獨長年。連宵淹水竹，一別隔湖天。
風塵雲歸壑，澌流鹿飲泉。歲寒清夜永，應憶子猷船。

聞仲氏之維揚

聞爾向維揚，歸期更渺茫。空江度鴻鴈，殘夢繞池塘。
節序羈心感，風塵客路長。君平不可作，誰爲卜行藏。

送泰博士考績北上

四門敷善教，三載試明廷。版有邊生笥，人傳劉向經。
梅花江上白，柳色眼中青。到日應前席，無勞歎客星。

對鏡

心緒垂綸日，行藏賣卜時。不逢揚得意，空憶魏無知。
白璧

餘雙足青雲笑數竒倘嫌臣尚少試看鏡中絲

送彭穉修入京

絳帳有彭宣清時好著鞭春秋明四傳俎豆服三遷剡薦
掄材日公車待詔年晚成君莫歎東閣正羅賢

贈黃吉甫

結客自風期憐君獨數竒名齊黃叔度薦乏魏無知牧豕
豈無地食牛還有時春風綠楊柳莫惜醉盈卮

賦得甕社湖珠光投贈

何處夜光浮泠泠射斗牛蚌涵滄海月湖薄大江流價擬
連城重名因照乘收爲君還合浦不向暗中投

送鄭汝通習禮太學歸琉球

弱冠辭鄉國翩翩欲化鵬挂帆凌海嶠負笈望橋門
鮫室雲千里驪歌酒一尊揚波君莫慮 聖主正臨軒

贈四明戴太學

客有四明彥言從白下來名高重席講賦就兩都才
驛路花千里歸心酒一杯懸知鑑湖月遲爾照琴臺

爲陶學諭詩母賦得鳩巢之瑞

春月占鴈化庭鳩比燕飛敷文還郁郁矯翼自輝輝
不噎宜筇杖成斑映舞衣嘉祥酬截髮何藉帶鉤歸

主昭叔臥病訊之二首

吳市宜真隱梁園獨倦遊
谷風空習習伐木轉悠悠
貧也元非病歸與亦自謀
索居君莫歎猶可狎羣鷗

伏枕何爲者塞關與獨孤
世人方笑蹙嗟爾暗投珠
歸客餘長缺娛賓有哨壺
食魚何必鯉君莫厭尊鱸

習靜

靜裏息機心城隅卽漢陰
苔侵花徑窄樹合華門深
得意休論象知音不在琴
年來慵是癖非敢謝招尋

讀長卿賦慕逸少帖有作

曄曄漢司馬翩翩晉右軍
賦成千狗監書就換鷺羣
曲水誰邊酒琴臺夢裡雲
孤懷自千載何以挹清芬

送鄧簿擢崇德二尹

入宮心已赤，右轉綬仍黃。
客路三江近，民謠一水長。
來時梅是尉，到處桂名坊。
佐邑賢勞久，還應補郡郎。

分得延陵十字碑贈劉明府

片碣神呵護，流風欣見聞。
千秋垂地寶，十字冠人文。
孤鳳吳天月，蟠龍魯國雲。
政成多暇豫，訪古挹高芬。

徙倚

徙倚曲闌前，偏多靜者緣。
壯心銷短髮，幽意入無絃。
徑僻餘堅瓠，苔深覆石田。
背人閑屈指，非敢計流年。

秋日登虎丘

海湧一峯晴躋攀石鏡平
轆轤盤劔氣簫鼓雜經聲
斷嶺浮雲薄連城返照明
香臺今罷講何處証三生

秋夕伍道鳴過晤園居

幽徑喜君來清尊屬我開
園廬自成趣湖海漫論才
暝色孤花染秋聲一鴈催
相期欲舒嘯握手更登臺

宿治平寺與慧公話舊

追憶佛燈前重脩靜者緣
知君忘僧臘因我感流年
庭樹猶如此韶華那復然
祇應心不染或可証青蓮

悼亡姪女阿五

愁劇且吞聲蕭齋已四更
酒深翻作病夢斷若爲情

猶吾子憐伊類稱兄不知十起後何術慰怔營

夢文壽承文時基聖扶櫬未返

旅櫬燕山渺羈蒐吳水深幽明已異路聚散感同言在
猶傾座人亡不待琴誰令華表鶴飛夢入園林

寄太常許公仲貽

金門仍大隱紫綬解清卿出處成龍臥聲華壓鳳城作人
因壽考入社冠耆英主聖方求舊還宜漢五更

送王敬美春官服闋還朝

高臥白雲鄉悠然野夢長裁詩如小謝讀禮對元方淑景
移仙舫清曹起署郎期君在三事行矣日相望

七夕送崑山李國賓歸江右

此夕真何夕那堪送客舟
去時乘鵲駕到日聽鸞簫
玉自崑岡潤珠懸合浦標
清秋共明月相望莫辭遙

滄州道中

懷刺欲何投春風一敝裘
鏡機空塞馬掃跡謝犧牛
寂莫玄仍守權呼白更浮
衆人嗤晚暮吾自得滄洲

東光道中

東閣爲誰開南山歸去來
途窮惟有泣命拙敢論才
鄉夢三江月雄心一寸灰
迷津成過涉依舊刺丸回

德州道中懷薛士立進士

客路春將暮河堤柳乍青馬蹄消短鬣雞肋殘經曲水
虛修禊長川拂建瓴懷人瞻北極知欲賦湘靈

舟至武城躡叔貽舟不及夜泊

夾岸夜擊柝絃歌那復聞孤城全吐月一水半籠雲川遠
魚書斷天長鴈字分羈懷貪利涉况是惜離羣

夜發

無地達空函長懷口自緘片雲歸極浦孤月挂征帆天路
迷金馬鄉山遠鐵巖不勞津吏問依舊一青衫

濟寧南池讀杜少陵詩碣次韻

向晚泊城邊聞鏡猶避船回峯身作鴈抱葉跡同蟬黃絹

千秋事青梅三月天孤懷浪增感生計只儒瓊

與殷開美諸君

倚棹朝還泊移舟晚更尋羈愁懸野望鄉夢逐歸心人老
河汾策囊空易水金何時重掃徑抱膝坐長吟

雨阻濟寧新閘與張元鼎殷開美夜集王使君舟中
分得風字

雨後一推蓬關河忽漫逢停撓仙侶共燒燭使君同氣盡
吳鉤雪春殘郢曲風更闌還把袂明發路西東

次任城聞余伯祥及第志喜

屯邈滯東魯悵望欲何之忽報故人捷愁中聊解頤窮途

看劍日上苑奪標時不識連羈處憐才更憶誰

懷沈君典

之子自名流風標似鄴侯高才凌白雪真訣授青牛意氣
扛周鼎雌雄挾蒯緤方舟忽相失顧望渺予愁

張元鼎雅歌

一曲古涼州長河萬籟收商聲欺威集徵調壓瑟篔簹摩詰
彈絃泣漸離擊筑愁披襟淹子夜春雪滿歸舟

晚遊惠山寺

倚棹入招提山空暝色迷汲泉消渴後選樹息陰時肅穆
忠臣像深沉孝子祠浮生岐出處忽忽愧吾師

秋思

物候改一葉蕭森如九疑涼風起遙憶明月是佳期少婦
青團扇狂生白接離向來成底事寂歷鳳皇枝

送趙檢討還朝

祖席向秋開茲行亦壯哉連城須趙璧計日上燕臺經術
明同戴詞章捷若枚金鸞供夜直應見歎奇才

王元美中丞書至有老蚌之訊後一書復屬予作楷
書率有此答

千里倦遊身交踈舊酒人寸珠留自照尺蠖敢求伸塞上
無推轂丘中好曳輪傭書心亦懶吾已樂長貧

送陳長洲被召

理劇得裨君聲華 帝座聞縣花方沐雨仙鳥忽乘雲頌
後驪歌起風前祖席分由來清要地應屬鳳皇羣

上元憶亡弟叔貽

綵勝催行樂青春可及時勸酬寡兄弟唱和憶墳笮棗
相輝萼荆無再發枝愁稱北堂壽何以進霞卮

送李郡博擢王官

客有南陽臥言存北郭心一經攻衛玉三載鑄顏金道自
猶龍重文從隱豹深匡王誦三百行見遇知音

候榜

射策苦不早，上書期晚成。眼前心獨曠，肌內肉還生。推枕辭鄉夢，開尊陶世情。升沉任吾道，長揖謝君平。

送袁文毅入覲復任黃巖

信美維揚俊，家聲振汝南。茲來儗青瑣，那復借黃巖。闕下回雙鳥，雲中挂片帆。客愁緣別甚，岐路濕征衫。

下第後與彭穉修

握手歡逢日，同爲候榜人。朝來忽岐路，回首卽迷津。歸夢江千月，羈愁輦下塵。行藏君卜未，吾已得垂綸。

別兄子原正

聖世無遺逸，吾家有亢宗。十年同隱豹，此日快從龍。去住

長安道升沉子夜鐘交知倘相問今已學餐松

燈花和周十八禹昌

歸計向誰邊殘燈對獨眠已知生意盡何事死灰然焰冷
翻成笑花明別是天倚閭情更切好向北堂懸

濟陰遇蔣將軍邦士飲我輩于舟中有作次韻

病眼向誰青褰簾望遠汀詩成渾是雪客聚自爲星湖海
雙蓬翳乾坤一委形羨君勞轉餉奏績上虞廷

舟次漕河懷王君之

咄咄蓬窻夜支離嘆此身弟昆無一字童僕不相親冷眼
觀時態孤懷憶故人何時重掃徑期爾醉餘春

登羊山

登高一以眺感慨欲如何楚漢遺踪少山河變態多慨
障風雨城郭撼烟波物候驚鄉思江南徧綠莎

下邳懷古

訪古失竒蹤橋邊不再逢孤懷懸進履萬戶憶辭封城下
無黃石山中有赤松善藏何必用吾道自猶龍

江上曉發

一葉類萍飄晴江引望遙雲開金闕觀霞起赤城標山遠
天低樹沙明鳥趨潮平生擊楫意今已付漁樵

仲氏以詩見投感而賦答

此日觀朝槿還應野服宜
過齊疲鼓瑟入郢和吹箎
塘草驚殘夢江花別故知
樗全惟伯仲爾我本連枝

題王君之髮僧寮

愛爾葛天民述禪自得真
擬僧惟有髮混俗却無塵
醉眼觀空界蓬心轉法輪
三生不須問摩詰是前身

聞笛

奈可東鄰笛能爲變徵聲
因風雖斷續向月自淒清
楊柳雲中寒梅花江上城
桓伊久不作誰遺伏龍驚

追石湖舊遊

昔日眼誰青都忘物外形
僧携春茗月客聚夜堂
星柳暗

絲爲障花深錦作屏只今追故賞回首一漁汀

王玄靜爲予製一舸貯池中賦此復之

舟楫非吾事池塘強自寬多君贈蓮葉助我戀漁竿解纜
循花徑停橈傍石闌風波此中少行路不愁難

誰謂池中物蕃宜象外遊江湖元夕水身世本浮漚夜可
依紅蓼朝能狎白鷗何時期訪戴逸興待王猷

中秋夜引兒輩侍老母看月

皓魄如期滿慈顏對酒歡清輝偏院落素影在闌干萱草
金光並孫枝玉樹看何當竊靈藥持以助加餐

侍老母酒罷歸園廬獨坐

何事中秋月惟予獨夜看光同萬戶滿影借一枝安珠淚
仍滄海天香自廣寒祗應蛩四壁唧唧助長歎

送闕儀部左遷饒州

芝城新佐郡蘭省舊含香宦拙時情訝官卑直道光簿書
臨福地風月主郡陽和璧終應採無勞泣楚王

閏八月望文基聖自都下歸過予不能待月而去賦
此

月有重來望秋逢兩度中可容今夜賞不與故人同聚散
燕山北棲遲吳市東獨令招隱意愁絕桂花叢

賦得兩松贈蕭別駕

經史足三冬亭亭對兩松雲邀雙白鶴地湧二蒼龍蓋偃
貞雜合柯長秀色重歲寒知不改定見表秦封

病齒喜老母舊疴示仲氏

范叔齒欲折張儀舌僅存竭來驚伏臘安否任乾坤霜月
憐窺牖寒雲護掩門偶尋潘岳賦却喜御家園

薛刺史士立夜過園居觴之月下

病我關常掩迎君夜未央寒星點銀漢落葉積中唐兔魄
移浮白鳥飛促羽觴霜華漸以重莫却倒衣裳

野望

野望聊乘興花深亦自春堯心終未達龍性竟難馴不折

登山展徧宜澆酒中河清那可待徒倚足閑身

浮生

萬象一醯雞浮生任馬蹄芝蘭常在室桃李自成蹊
界盡觀能達機忘物可齊祇應山簡醉來唱白銅鞮

賦得寵移新愛奪代贈

卓歎白頭日蘇成錦字時相知新可樂獨立寵愁移妾處
芳香在君邊雲雨凝含情坐遙夜心事月明知

盧丈過談昔遊漫賦

乘日淹新賞蘭時憶故蹤羽飛觴政促客滿座香穠華月
升沉見名花次第供流芳一消歇調息對長松

送周兆通之魯

短景冰霜盡，長途淑氣催。
送君題柱去，應見奪標回。
黍熟重溫谷，炎生不死灰。
平原敬愛士，應識處囊才。

鐘聲

古寺報昏明，應知無世情。
疾徐俱是梵，大小不辭鳴。
風外羣迷覺，雲邊萬劫清。
若爲蕭索聽，塵亂百愁生。

答客嘲

玩世城隅隱，忘機海上身。
踈慵疑傲吏，貧賤敢驕人。
冠蓋日以遠，禽魚稍可親。
無煩訪遺逸，草莽亦王臣。

七夕重餞陳倉部汝化二首

脉脉祖江干方知行路難良時空駕鵲城樹不棲鷺共
臨岐袂誰彈欲掛冠浮雲能蔽日何處是長安
把酒聽驪歌驚秋奈別何宦成觀巧拙途遠識風波古調
知音少明珠按劍多暫時辭世網莫恨可張羅

寄贈務本宗侯

朱門崇 帝胄白髮老賢身在漢推爲善于周詠作人東
山名重魯北海座盈賓獨有巖棲者無由一問津

寄贈中立宗侯并致充閭之祝

魯國多君子王孫更象賢學窮羣籍後名起四豪前客恨
投珠晚人懷設醴年遙知容與處佳氣滿芝田

客以難字相問戲答之

萬卷足冥搜三冬任校讎魯魚應有誤亥豕豈難求伏臘
知非獵春蒐合是蒐身慚辨霓者負爾問奇郵

聞余黃門行之建言被譴

傳聞青瑣客抗疏發留京借劔三綱重批鱗一死輕無官
身轉貴有感氣難平白日浮雲蔽天子自聖明

徐懋昭客交年已七十且有五男尚買一妾戲贈

身爲千里客年及五羊初市義曾焚券懷恩老叟裾膝前
同陸賈病後似相如倘遇諸侯獵還堪賦子虛

林刺史登卿航海走幣許以神交示以瑤集賦此爲

報

海郡翔三鳥神交寄八行素絲應取節黃絹實成章古調
諧山水清輝照屋梁年來箕踞態緣爾一飛揚

客有向予談王孫好客者請予賦之

下士屬王孫人來說舊恩登樓無笑覺送客獨留髭綠蟻
璫杯泛青蛾翠袖翻祗今飛夢處烟月滿朱門

王敬美憲副入覲道吳門予方掩關不知候也既而

以新詩及試錄却寄賦答

入覲天顏近逢迎地主跡未聞過駟馬忽見報雙魚賦就
登樓後行催戀闕初不持玉帛往獻納在賢書

歲晚葺小園有作

冰雪歲將除于葺葺敞虛墻邊饒五柳澤畔類三閭龜手
開荒徑鳩巢誦卜居交游成契闊自足比樵漁

送袁子壽廷試

六翮凌霄日三年讀禮餘乘春涉遠道佩玉上公車身作
天朝貢名允國美書龍門多化鯉總讓北溟魚

解嘲

本與俗情違何嫌世態非畫龍元可好裝鳳不煩譏伐木
春求友歸雲書掩扉邇來肥戰勝寧思減腰圍

送郝明府赴部

釋褐宰吳門聲華衆所尊五年方報政千里忽攀轅人感
投醪惠吾懷設醴恩縣花春莫放臨別易消魂

送徐長吉禮白嶽

爲有青山諾言從白嶽行心香酬拱極仙樂護朝清金碧
輝三島樓臺帶五城如探石室秘正可學長生

客至

只合侶樵漁難容長者車自矜尊有酒誰謂食無魚任性
歡踪洽忘形禮法跡相將類潘岳不待賦閑居

喜葉處元登第寄之

讀禮稱純孝明經遇賞音十年懷卞玉一夕報泥金物覩

百舌辛巳春作

雨過曲池平偏宜反舌鳴
疑梁方語燕似谷乍遷鶯
度徑催支策臨流喚濯纓
上林行夏令知爾欲無聲

荷鋤

兀兀綵雙鬢勞勞虛半生
傭書慚定遠賣卜羨君平
病有文園渴身無吏隱名
荷鋤勤種藥聊復比躬耕

沈君典來吳期予會于虎丘
不果赴明日重訂石湖之約

質本成堅瓠名猶竊棄瓠多君
遣雙鯉謂我異揚鱗放舸
虛求友埋輪寶避器重尋石湖
約還可混漁樵

次韻答周兆通見寄

寒風一行別回首復潸然失路憐緇白逢人且尚玄
新詩凌月露短札下雲天莫作無車歎還期躍馬年

兆通魯門奇遇志喜四首

龍種千金價霜蹄一蹶初忽聞遭伯樂不復困鹽車
氣盡吳門別顏開魯國書孟嘗稱得士寧歎食無魚

右二宗侯

聞說游梁客操觚賦子虛喜逢楊得意獨薦馬相如此日
猶衣褐何年免曳裾上林方較獵還擬借吹嘘

右楊交州

出險卽康莊唐侯借鵬鷃魯門留挽轂吳國逸下將自昔
成投杼於今得處囊棘園知有待應擅木雞場

右唐二守

羈旅慰逢迎誰云蓋漫傾觀風吳季子重義魯諸生此日
相推轂他年並請纓馳神緣意氣吾亦欲班荆

右胡文學

送徐建甫之白下訪顧吏部

壯爾秣陵遊風烟絲筆收客懷應有賦 帝里倍宜秋纜
結攀牛首嶽華借虎頭懸知愛士者掃榻遲南州

卜居

遠性非人性閑情異物情塗中堪曳尾世外足逃名談許
樵夫笑歌憐孺子纓卜居吾自得不復問君平

楊子雲

棲棲哂揚子咄咄復何爲劇美終投閣逢迎炫識竒守玄

應爰辭執戟却忘疲豈若桐江叟烟波理釣絲

答周卿幼字

人境卽雲林逃名隱自深野花開任意庭鳥狎無心霜冷
牀頭劍風鳴壁上琴食貧君莫訝吾道有南金

冬夜泊橫涇從傅令君爲田間飲是日也辭地主之

邀

畫泊橫涇棹宵傾北海尊偶然爲令客非欲過王孫寄跡
田間飲開襟稷下言不須吹衍律寒谷已生溫

海

萬里一漭濛連天四隩同升沉疑地轉呼吸與江通鵬翼

扶搖外桑田變幻中空傳木生賦蔓衍未稱雄

傅明府携二公子來吳殤其一詩以唁之

花縣一分符雙提千里駒既能完趙璧何用泣隋珠
雲歸鶴丹山鳳引雛彭殤君莫訝陶冶任洪爐

小除夕長吉邀赴燈宴

良會及春先嘉招集綺筵歲除餘一夕燈賞借明年入座
新聲麗飛觴舊雨偏知君解中聖應不讓前賢

戲贈

絕代是龍陽清輝照屋梁驚迴竊車者妬殺權船郎
蕙草初銷雪梅花欲斷腸經時巖酒禁爲爾一飛觴

哭君典六首

無事忽興哀宣城一信來祇聞衣帶減不意泰山頽
帝奪天人策神收班馬才膏緣明易滅番先不燃灰

傾蓋卽同心關河喜盍簪齒叨一日長交以十年深消息
將朝隱風波忽陸沉雖無山水調愁絕是亡琴

池上慰逢迎言將指帝城鷗騫知未遠鵬賦報新成計
至傷徐禪菟來泣巨卿素車慚未駕絮酒淚同傾

司馬病何如乘龍返太虛玉樓徵綠筆片詔紫遺書抗疏
埋金鑑修文冷石渠出疆知欲弔五十歎無車

一自求仙後知君是道流寧無百歲術忽作九京遊意氣

傾華夏精靈貫斗牛
青山埋玉處俠骨自千秋
五際遠精歲雙童奪壯齡
屋梁凝落月霄漢失文星
藻思沉香澗山容慘敬亭
池塘春夢後宿草夜臺高

贈宋貳尹

妙歲播英聲家風紹廣平
欣聞花縣佐得借魯門英
政拙知民瘼官清薄宦情
毋嫌黃綬屈計日拜專城

馮咸甫將勒石白下作此贈之

弱冠推鄉俊清標述敬通
才名高倚馬世德擅乘驄
志在千秋業詩成七步工
不愁衝暑去挂席有長風

七月四日風雨驟至

炎蒸連信宿赤日滿池臺忽爾水雲合俄然風雨來先秋
消暑氣殘伏殷春雷灌木蟬聲歇偏宜午夢迴

送自然上人聽講經

振錫出滄溟慈航一葉輕如來元是覺去住本無情燃炬
參龍樹維網聽馬鳴慧燈長不滅應可証三生

詠犬

新月挂疎桐金鈴小閣東旅葵初入貢繁瓠未成功校獵
應追驥傳書可代鴻不刪厖也吠垂訓百篇中

馮汝金見過示以試作乘燭命酒賦得燈花何太喜
燈花何太喜特爲小馮君信是河東鳳應超燕北羣雄文

成七步才筆掃千軍命酒歡相酌何嫌坐夜分

送華經府弘學解組歸蜀

返棹亦通津官清不厭貧一行爲從事萬里作歸人雲路
鴻俱漸泥塗矍自伸芙蓉城上月把酒正相親

懷仲氏在白下寄之

六落夜蕭蕭懷人夢獨遙月寒江浦樹雲湧秣陵潮何處
摧談口誰邊醉舞腰慚予枯筆研曾否見君苗

送傅令君伯俊入覲二首

妙歲快投繻江城試剖符釣魴思共化馴雉止方雜閭闔
千門啓風雲萬國俱知君作舟楫無俟駕雙鳧

戴星勤百里計日近三年治以民爲子才疑令是仙庭空
惟置水蒲設不須鞭奏績君應最行看捧御筵

送湯應之給諫左遷仙居令赴任時長郎膺鄉薦

舊望省中懸新符尚左遷不論兇是烏喜得縣名仙香霄
承芝蓋春芳稔玉田九還應可致持以助堯年

答吳之衛

藻思推吳質虛名愧孟陽據君青玉案置我白雲鄉浪跡
珠沉海清輝月滿梁池亭掃塵榻猶可慰連牀

吳江李尉轉貳崑山贈之

剡薦亦通津名高自席珍松陵梅作尉花縣玉爲人

官初轉三年綬更新無嫌折腰苦五斗未全貧

訪王百穀於半偈菴不值

問訊墻東隱將尋物外言白雲封筆陣丹井闕詞源委徑
新苔潤空堦落葉繁微名留敝刺莫誤作題門

曉發婁江

寒月挂城隈空江片席開漁舟分宿火水店發新醅雲散
霜華澈風生落木催孤懷醲訪戴不作剡溪回

獨步弇山園觀恬澹觀解維而歸

歛跡可卒歲閑關經五年出門尋故賞懷刺避時賢隨勝
何須主心香不在烟迴撓醉下座莫問孝廉船

生日徐子本橋梓携具過小園

生日敢爲樂良朋携酒來素交偕長少玄賞勝池臺樹暖
將融雪花滋欲綻梅清歡各沾醉不俟管絃催

寄贈子厚宗侯

自古帝王州南陽屬上游分封桐一葉招隱桂三秋望重
周申伯風洽漢小侯惟耽爲善樂應不墜箕裘

歲杪大雪

風雪遍園廬寒光混太虛卜年應是瑞送臘未全除消息
梅邊晚音書鴈外踈朝來畏呵手衰鬢不曾梳

寄中立王孫

千里一襟期逢人迷故知儒風浴魯國士望屬皇枝桐葉
分卦後橋柯壽考時稱觴應最樂不羨八公詩

飲周考叔新堂

芳讌敞玄亭春宵聚德星華燈輝結綠麗唱出秦青設醴
寧辭醉論騷愧獨醒憑君能顧曲還擬賦湘靈

聞江侍御子信爲故劉侍御昭雪喜而有作

擊壤樂堯天俄聞疏草傳忠竟歸萬里幽恨雪重泉皇
澤沾枯骨嘉謀及泰年生花空入夢直筆自如椽

哭憲副金先生孟陽

徙倚泣中庭吳天隕德星猶龍那可問瘞鶴漫遺銘憲老

悲梁木廉頑失典刑含酸訊玄草誰爲續殘經

花朝小述

幽賞入花朝鳴禽破寂寥灌園機事息伏握壯心消
十上成談虎三都敢續貂眼前惟筆研猶未棄莊瓢

聞徐士彰殷開美得第志喜

穉子再辭吳洪喬又入都一行逢泰道萬里快搏扶並剖
連城璧雙收老蚌珠故人雖曳尾亦可慰泥塗

閱題名後續賦志喜三首

俞子如

舊雨忽騰鶩臨風喜命尊時收和氏璧人媿翟公門

因巽
幾事

有感哉
及之
射策嘉謀入陳詩大雅存殿庭雲見處知爾拜新
恩

湯茂叔

憶昨薊門蹤相看一轉蓬共憐才似海况復氣如虹寒夜
壺尊盡春星劍珮雄天人知有對應入未央宮

徐抑之

天問下明光春袍錫偉長十年違魏闕一日獻長楊讀禮
稱純孝陳謨卽義方况逢新泰運釋褐際元良

牆東垂絲海棠盛開

脩幹發東牆紅芳擅海棠廿年仍故賞二月試新妝露蕊

凝歌態風枝綽舞裳漫言絲續命亦可斷人腸

五言排律

賦得應谷贈劉大中丞

大隱臺端貴名愚象外綠兩山開島嶼一徑接風烟鳳喙
簀管下鶯遷日月邊地溫吹律後人浣佩璜年梓澤黃金
賦梨花白玉田傳聲應獨遠取次和鈞天

楊太宰獻壽二十韻代

恭默惟明聖匡扶屬老成乾坤依柱石亭毒秉鈞衡三
接康侯寵重離泰道亨擊由商帝仰申自嶽神生論道推
中輔宣猷冠列卿贈乃孚碩望貫鼎協輿情玄鉞嘉明允

金章簡篤誠修文仍領選掌武舊兼兵黜陟勤簪筆寒微
藉託名弓裘三相啓奕葉四知并下士多推轂清流喜濯
纓賢勞綠義逸任重爲恩輕壽域南山近綸暉北斗迎
帝壺分醪醕仙樂借咸英紫氣迴虞坂丹霞燦玉京平陽
自佳麗臺省卽蓬瀛麟趾搖雙璧鸞書報五城緇衣歌素
德赤舄見持盈舉案維葑菲供盤薦水晶鹽梅充野獻亦
可御調羹

泛石湖霧重廻舟王玄靜庄登小龍岡

山寺只聞鐘舟行望若空乾坤疑混沌上下一空濛霧合
應藏豹雲深欲起龍石梁埋躡躑翠岫失芙蓉塵障人中

景津迷物外蹤不分微士柳那辨大夫松祇覺烟光濕何
嫌酒氣濃登高強舒嘯鶴裝借王恭

秋日過石湖朗公有作和答

秋氣肅諸天言尋物外緣停撓橋畔路選勝寺門前野老
來爭席高僧許問禪花涵幽徑雨竹鎖法堂烟赤紱非吾
事青山莫爾先躋攀雙蠟屐逋蕩五湖船杯泛茱萸釀詩
歌蟋蟀篇自知肥戰勝不着祖生鞭

萬壽節後卽老母誕辰感而賦

遙憐嗚珮客濟濟聽鈞天獨有斑衣子家庭樂事偏羣兒
疑玉樹壽母卽靈護晴日莖金薦香風柱酒傳誰云非

帝力亦頌萬堯年

春日由南城至石湖步治平寺飯仲氏寄翔閣少憩
而返紀興

花事盛南城巾車花底行琳宮開曙色野鳥禱春聲望望
巖巒近村村隴陌平柳舒眉競翠湖白鏡同明訪友題門
出尋僧振錫迎故情追往昔新賞慰浮生書閣蘭爲供庄
童筍薦羹眼前百慮減物外一身輕假寐鷄俱息忘機鷗
自明會心緣獨坐應不歎孤征

莫廷韓自都下歸留連虎丘者信宿予以病齒不得
馳晤而廷韓顧以尺牘却寄且云客久不得能暫

留爲賦此以報

之子雲間陸才名鄴下劉唱名應五色閭字識荊州接轂
傾都重歸舟結客留青山負杖屨白眼政觥籌標格凌歌
妓聲華引列侯故人猶折齒經月漫科頭下榻成虛憶題
箋感見投片帆朝欲挂知戀白雲秋

章子敬過訪小酌池上賦贈

客有雲間彥言尋物外緣到門疑看竹入座喜開蓮玉樹

尊前見銀河論下懸人朝山簡醉地愧習池偏余明府宗漢在座沾

醉故及之毒熱銷傾蓋清風借息肩莫言君最少道合自忘年

虞實堂集卷之二

門塔周長康考叔校